

## Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri  
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1602**

13. Quærum rerum poßit esse in nobis ignorantia probabilis, & iusta, quæ  
inuincibilis appellatur.

**urn:nbn:de:hbz:466:1-14077**

rantia nequaquam est contra specialem aliquam virtutem, quando est causa peccati, & coniuncta cum ceteris peccatis, licet quando est per se à reliquis secreta, & abiuncta, sit speciale peccatum. Obijctus nunquam esse ignorantiam certe & speciali virtuti morali contraria. Ergo nunquam est speciale peccatum. Respondeo, Ad peccatum satis est, si sit contra specialem rem rationem; quamvis non alicui peculiari virtuti morali adueretur: & ignorantia quando est per se ab alijs peccatis seiuncta, cum recta speciali ratione pugnat, nimur cum ea, quæ præscribit, ut quicquid fecit res fidei, Decalogi præcepta, & ea, quæ ad sua munia pertinent.

## Cap. XIII.

*Quarum rerum possit esse in nobis ignorantia probabilis & iusta, que inuincibilis appellatur.*

Hanc questionem disputat Cerdubensis lib. 2. de ignorantia q. 4.

Rom. 2.

Exo. 20.

Hanc sententiam habet Cordubensis lib. 2. de ignorantia qua. 4. proposit. 1. Bardehanus apud Eusebium lib. 6. Præparat. Eu- an. Gen. 8.

**P**rimo queritur, An rerum, que sunt Iuris naturalis, possit esse ignorantia probabilis, & iusta. Quod perinde est, ac si quereretur, An ignorantia Iuris naturalis liberum reddit ignorantem à culpa? Ratio dubitandi est, quia Glossa Distinct. 38. in summa, & 1. quest. 4. capit. ultim. ait huiusmodi ignorantiam neminem à peccato defendere, & cap. Ignorantia De Regul. Iuris in c. dicitur Ignorantia facti, non autem Iuris excusare. Item ius naturale est, quod naturalis ratio per se nota, iuxta illud Pauli: *Gentes naturaliter ea, quæ legis sunt, faciunt.* Respondeo, Ea, que sunt Iuris naturalis, aliquando esse per se nota, ita ut non ex alijs, sed ex ipsis comperta, & explorata cuique reddantur, qualia sunt; Bonum est amplectendum: Malum fugiendum: Castè vivendum: Nulli nocendum: Quod tibi non vis, alteri ne feceris: Vnicuique suum ius tribuendum; & horum ignorantia probabilis, & iusta in nullum hominem cadere potest. Alia vero non sunt per se nota, sed faciliter ex per se notis colliguntur, qualia sunt præcepta Decalogi: & horum licet possit esse ignorantia probabilis ad tempus breuissimum, non tamen diu, quia eo ipso quod ex per se notis evidenter conficiuntur, absque magno negotio innescunt: at interim dum ea quis ex per se notis concludit, potest bona fide, & sine culpa ignorare, sed diu non potest ea ignorantia laborare, aut in ea permanere, quia facile positis per se notis inferuntur. Ex quo efficitur, ut vero simile non sit quod Bardehanus, & Eusebius, & a lij historici tradiderunt, apud alias gentes furta licuisse, apud alias adulteria, apud alias stupra, & promiscua coniugia, & homicidia: hec enim facile ex per se notis cocluduntur tamquam mala. Ex istimo tamen hoc; & alia similia apud certas nationes fuisse permitta, vel impunita: ita ut auctores horum scelerum impunè permittere, non quod hoc existimarentur honesta bona, & licita, sed quod huiusmodi peccata minime poenit debitis punirentur, vel ob gentis illius ignauiam, aut malitia, aut ob alia grauiora mala viranda, aut ob propria tuenda, conferuan daque commoda. Alia item sunt iuri naturalis,

aut iuri naturali contraria, & aduersa, quæ licet positis ijs, quæ per se manifesta, notaque sunt, inducantur, haud tamen ita facile, & perspicue inferuntur. Talia mala sunt ex mutuo usuram, & lucrum exigere, proprias iniurias vlcisci: plures vxores habete, repudiare legitimā, furari ad succurrentum egenis, surripere aliquid hostibus, tyrannum occidere priuata auctoritate sine iudicis sententia, ad scortum accedere, mentiri propter salutem alterius, vel ob malum grauius & deterrimus cauendum, vel ob bonum commune ferandum: carnis humanis vesci; metu mortis mali aliquid committere, fororem in uxorem accipere, negari non potest, quin horum, & similiū cader in aliquos possit ignorantia probabilis, & iusta. nam non solum ethnici, nec solum indocti, sed Christiani homines etiā, & docti horū nonnulla iure naturali licita esse arbitrantur. Cassianus certè, Origenes, & Plato, putauerūt licere aliquando vii mēdacio ob maius malum decuitandum, aut bonum tuendum, & conseruandum. Durandus, & alij tradiderūt, simplicem cum scorto congressum, aut multitudinem uxorum, aut repudium legitimæ uxoris, non esse iure naturali, sed tātū diuino prohibita. Item huiusmodi mala licet ex principijs per se notis naturali ratione ducantur, dubitari nō potest, quin sit opus magni rationis intelligentia in his argumento, & ratione colligendis; ergo potest quis ea bona fide ignorare. Est tamen animaduerendum, apud Christianos ignorantiam probabilem huiusmodi malorum rarissimam esse, aut nullam ferē: quia apud Christianum populū est frequens diuini verbi enunciatio, vitiorum reprehensio, honestatis, & virtutis commendatio, bonorum prædictio, quibus scorta, mendacia, fraudes, infidex, vñus, multitudo uxorum, & repudium, paſsim cōdemnantur, ut per se mala, & fugienda. Potest tamen esse ignorantia probabilis apud vulgares, & rudes homines, putantes licere mendacium leue, aut officiosum, propter cōmūnem salutem, & magnum aliquid bonū aliorum retinendum, & tuendum.

Secundo queritur, An possit esse ignorantia probabilis & iusta eorum, quæ sunt iure diuino scripto, quod postiū appellant, constituta. Duæ sunt opiniones. Prima art, quandocunque ius diuinum est necessarium ad salutem, non possit eius in aliquem cadere ignorantiam eiulmodi à peccato, & vitio defēdētem. Ita videntur sentire antiqui Theologi Hugo Sancti Viatoris, Gulielmus Parisiensis, & Alcidionensis, quos postea fecuti sunt Gerſon, Conradus, Adrianus, & Gabriel. Probant illi primo. Quia sine eo, quod est necessarium ad salutem, nulli potest salus continere: at si ignorantia probabilis possit esse iurius diuinus ad salutem aeternam necessarij, tunc absq; remedio ad vitam sempiternam necessario possit quis salutem ad pīscī: siquidem ignorantia probabilis, & iusta, quatenus talis est, ab illo peccato contingit. Deinde quoniam si quis ignorantiam iuriis diuinis necessarij ad salutem bona fide haberet, aut faceret id, quod debet ad secundum, aut non faceret: si non faceret, tunc ignorantia in eo non esset probabilis, sed culpe, & vitio tribuenda: si faceret, tunc Deus aut per seipsum interius mentem illustraret, aut mini-

Cassianol.  
17. a.c. 17.  
vñque ad.  
21. Orig. li.  
6. Stroma.  
Plato. lib. 3  
de Repub.

28

Hug. Galii.  
Alt. Ger.  
cita. Adri.  
quodlib. 4  
sic Com. q.  
vñl. de con-  
traf. Gab.  
2. d. 22. q.  
2 art 3.  
dub. 1.

sterio

sterio Angeli, vel hominis eum docuisse. Deus enim in his, quae sunt ad salutem necessaria, nunquam deest facienti, quod in sua est potestate. Secunda opinio ait, posse contingere ignorantiam probabilem, & iustum eorum, que iure diuino sunt instituta ad salutem necessaria, ut fidei, Baptismi, & aliorum sacramentorum. Hac sententia clare colligitur ex S. Thomae, estque communis Theologorum consensu recepta, & quam probat, & firmat efficax ratio. Quoniam plerique sunt modo gentes, apud quas Christi Domini Euangelium nondum est promulgatum, & Christus ait: Si non venissem, & locutus fuisset eis, peccatum non haberent. Et Paulus; Fides, inquit, ex auditu; & paulò post: Quomodo invocabant, in quem non crediderunt? Aut quomodo credent ei, quem non audierunt? Quomodo autem audient sine predicatione?

In hac re dicendum existimat. Prima posse esse ignorantiam probabilem iuris diuini non necessarij ad salutem, in hoc omnes concuerunt. Secundum posse bona fide sine illa culpa contingere ignorantiam necessariorum ad salutem: quia ignorantia talis est, quae depelli, & deponi, aut non potest, aut certe non debet; sed qui nihil unquam audiuit de iure diuino necessario ad salutem, ignorantiam huiusmodi exuere, & excludere non potest; ergo in eo est ignorantia bona fide. Item facta promulgatione Euangelij die Pentecostes Hierosolymis, coepit Christi Euangelium vim legis habere necessariæ ad salutem; sed Iudei, qui eo die Hierosolymis aberant, bona fide ignorabant Euangelium Christi, quippe qui nihil antea audierant; ergo etiam nunc potest esse probabile, & iusta ignorantia Euangelij in his hominibus, qui nihil penitus audierunt.

Ad ea vero qua obiecta sunt; Respondeo. Ad primum, dupliciter aliquid esse necessarium ad salutem: Vno modo tanquam remedium diuinitus institutum, quod tamen præceptum non est, quoniam id Deus ipse facit, qualis est prædestinatio, specialis Dei vocatio, gratia, & auxilium, & alia similia; & sine his sine bona, sine mala fide ignorentur, nulli potest salus contingere. Secundo modo aliquid est necessarium ad salutem tanquam remedium simul, & præceptum nobis diuinitus datum, qualia sunt aliqua præcepta fidei, & sacramentorum, & sine his potest quis salutem adipisci, quia eo ipso quod præceptum, vel legem quis ignorat probabiliter, & iustè, liber est à violatione præcepti, vel legis. Nemo enim peccat in eo, quod bona fide ignorat: nam ignorantia probabilis & iusta voluntaria non est. Dixi, aliqua præcepta fidei, quoniam ad salutem necessaria simpliciter est fides supernaturalis, hoc est fides, qua aliquid obiectum supernaturale diuinitus patefactum, & ostensum creditur: neque enim per solam legis naturalis cognitionem, & observationem potest salus vlli contingere. & licet Deus sit, qui arcana fidei supernaturalia revelat, homo tamen ea diuinitus patefacta credere præcepto diuino cogitur: & ea potest speciali, & supernaturali Dei auxilio, tum ex parte intellectus, tum voluntatis motus, & adiutorius credere; homo igitur potest aliqua fidei mysteria bona fide ignorare, non tamen omnia: nam si aliquid supernaturale diuinitus patefactum cre-

dit, in eo virtute & implicitè credit reliqua fidei arcana, quæ probabiliter ignorat: secus est de eo, qui nihil supernaturale credit. Ad secundum respondeo: ut ignorantia cum mala fide, & in culpa sit, necessaria est, ut negligentia præcedat in sciendo id, quod est necessarium scire; ut vero in his, qui nihil de fide, & sacramentis audiunt, huiusmodi negligentia non est. Quod si obiectas, Is qui ignorat necessaria ad salutem, aut facit, quod potest, aut non facit: si non faciat, ex negligentia peccat; si faciat, diuinitus ad omne virtutis officium instruetur. Respondeo, sufficere si faciamus, quod debemus facere: item si faciamus, quod scire nos oportet. Sed is, qui de fide, & Sacramentis nihil penitus audiuit, licet possit diligenter, & studium conferre ad sciendum, quod ignorat, non tamen debet, quia nullum in eo prudenter iudicium est, quod præscribat in ea re oportere cum diligentiam adhibere. Si secundo obiectas, Is qui ignorat necessaria ad salutem, aut est in peccato, aut non est. Si sit in peccato, eo ipso non facit quod debet; si vero non sit, facit, quidquid oportet facere ad salutem, & proinde mens eius est diuinitus illustrata in ijs, quæ sunt necessaria ad salutem. Respondeo, Hominem huiusmodi probabiliter ignorantem posse, & cum peccato, & absque peccato esse. Si sit cum peccato, eo ipso non facit, quod debuit, ut a peccato expurgaretur; nec tamen inde consequitur, ut non fecerit, quod eum oportuit facere ad sciendum, quod ignorat, non enim debuit peccatum per poenitentiam expiare, ut ignorantiam a se repelleret, quare tametsi est in peccato, non tamen culpa tribuitur ignorantia, qua laborat. Sicut si Iudeus seco voto ad trinxisset adeundi Hierosolymam die Pentecostes, si votum emissum persoluisset, Christi Euangelium, & fidem audiuisset. Fingamus tamen, eum die Pentecostes Hierosolymam non adisse, consequitur, ut peccauerit, votum factum non solvens, non tamen peccauit ignorans Euangelium Christi, nam Hierosolymam adire quidem debebat, quia adire voti religione cogebatur, non tamen ad cunctum iure compellebatur, ut ignorantiam exueret. Sic etiam ethicus, qui probabiliter, & iustè Christi Euangelium ignorat, est quidem cum peccato, eo quod aliquid aliud contra legem naturalem sibi notam adserit, & debet studium, & diligentiam in eo ponere, ut peccatum per veram poenitentiam extinguat, & delectat, alioqui ob peccatum, cuius eum non poeniter, condemnabitur: non tamen debet huiusmodi diligentiam præstare, ut ignorantiam, qua laborat, expellat; nec ob huiusmodi ignorantiam damnabitur. Item fieri potest ut huiusmodi ethicus per veram cordis poenitentiam peccatum abiecerit, ac proinde in peccato non sit, quod secundo loco ante cœcti, & tamen laboret adhuc bona fide ignorantia baptisatus, & Euangelij, & nostræ Christianæ religionis. quare per poenitentiam non omnis iuris diuini necessarium ad salutem ignorantia remouetur, & pelitur. Si obiectas, is igitur homo poterit salutem assequi sine eo, quod est remedium ad salutem necessarium. Respondeo nemini posse salutem contingere sine remedio necessario re, vel faltem voto explicitè, vel implicitè suscepito: is ergo ho-

mo gratiam, & iustitiā poterit adipisci, voto saltem implicito præstandi id, quod est remedium ad salutem obtinendam; nam si aliquid supernaturale sibi diuinitus patescunt credit explicitē, hoc enim, ut paulò ante iam dixi, necessariū simpliciter est ad salutem, alia fidei mysteria etiam ad salutem necessaria vi diuinī præcepti, credit virtute & implicitē; & hoc sufficit ad salutem: nec enim oportet omnia explicitē credere, vt suo loco fuisus explicabo.

**Tertiō queritur.** An possit esse probabilis, & iusta ignorantia Iuris humani; Respondeo, ex communi sententia vtriusque Iuris interpretum, & Theologorum, posse bona fide probabilitē ignorari statuta, quæ sunt Ordinariorum speciales priuatae constitutiones, & iura municipalia, quæ sunt etiam speciales constitutiones editæ à Republica, vel Cōmunitate. **Totus** controverſia status est de legibus, & constitutionibus Principum, quæ pertinent ad Ius commune, Civile, vel Canonicum, quarum non videtur esse ignoratiā probabilis, nam cap. Ignorantia, de Regulis Iuris in c. dicitur: Ignorantia facti, non iuris excusat, & in l. cōstitutiones, C. de Iuris, & facti ignorantia habetur: Constitutiones Principum, nec ignorare quemquam, nec dissimilare permittimus: & in l. leges sacratissimæ, C. de legibus, & constitutionib⁹ dicitur, Leges sacratissimæ, quæ cōstringunt hominū vitas, intelligi ab omnibus debent: ut vniuersi, præscripto earum manifestius cognito, vel inhibita declinent, vel permitta secessentur.

In hac quæſione, dicendum arbitror. **Primo** in foro animæ interiori dubitari non posse, quin aliquando sit probabilis, & iusta ignorantia Iuris humani communis: quia, ut ante iam diximus, Iuris naturalis, & diuini scripti, potest in aliquo effe bona fide ignorantia: ergo in pluribus hominibus potest cōtingere probabilis, & iusta ignorantia Iuris humani. **Secundō** in foro judiciali post publicam, & solennem promulgationem legis, & constitutionis communis, nō admittitur ignorantia probabilis, quæ reum defendat, & libereat à pœna legis; & hoc est quod dicitur in legibus ante citatis. Nam in huiusmodi foro admittitur iusta, & probabilis ignorantia facti, & ignorantia statutorum, & iurium municipalium; non tamen ignorantia legum, & constitutionum Principum, quoniam huiusmodi constitutiones solent publico, & solenni ritu, ac voce præconis in curia Principum promulgari, & postea ex coniecuris, & signis agitur contrā quoslibet reos; & ideo Iuris ciuilis, & Canonici Doctores facti, & statui ignorantiam probabilem concedunt, hoc est, inuincibilem, quam probabilem appellat, eo, quod eam iura, & leges permittant, & probent: Iuris verò communis non ad mittunt ignorantia probabilem, hoc est, inuincibilem, quia eam leges, & iura non approbant.

#### Cap. XIV.

*Quomodo ignorantia sit iusta peccati excusatio.*

**PRIMO** queritur, An ignorantia non solum bona fide, sed etiam mala contracta, vportet crassam, & affectata peccatum excusetur; **Respon-**

deo, Apud omnes rem esse cōpertam probabili, & iusta ignorantia, sive Iuris, sive facti, culpā excusari. Verū dubiæ quæſitionis est, an quod sit ex ignorantia crassa, & affectata, sit etiam aliqua ex parte à culpa liberum. Duae sunt opiniones. Prima afferit, quod factum est ex eiusmodi ignorantia, libertum esse ex parte à peccato. Et probat, quia omnis ignorantia, etiam crassa, & affectata minuit aliqua ex parte voluntarium, quoniam, quatenus ex ignorantia quippiam agitur, eo ipso minus scienter fit. Deinde, quia Paulus Apostolus facetur se veniam consecutum, quoniam per ignorantiam fuerat Ecclesiam perfectus; & tamē videtur in eo fuisse ignorantia crassa, & supina, hoc est, cum peccato coniuncta, eo quod in persequendo Ecclesiam Christi putabat te obsequium Deo præstare; & id faciebat studio, & causa religionis paterna & auita in suis cibis conseruanda. Secunda opinio ait, peccatum per ignorantiam probabilem factum, in totum excusari; at verò commissum per ignorantiam affectata nulla ratione minuit: & quod ex ignorantia crassa committitur non ex toto, sed ex parte excusari. Quoniam quod ex ignorantia affectata fit, est omni ex parte voluntarium, cum ignorantia affectata, voluntaria sit directo, & expresse. Item quod per ignorantiam crassam admittitur, bona ex parte voluntarium est, cum ignorantia crassa implicitē, & indirecto voluntaria sit. Præterea quod per ignorantiam probabilem fit, est omnino inuolutarium, ergo peccatum per ignorantiam affectatam admisum non minuit, sed augetur, & quod per ignorantiam crassam committitur, nō ex toto, sed ex parte minuit: quod verò per ignorantiam iustum, & probabilem fit, in totum iustum excusationem haber. Hæc est communis opinio Theologorum, & Summis. In qua quæſione mihi videtur esse probabile, quod prima sententia docet, scilicet peccatum per ignorantiam affectatam admisum, etiam minuit quadam ex parte, tamē alia quadam ex parte augatur. Primum probo, quoniam quicquid per ignorantiam admittitur, eo ipso minus voluntarium sit, quam si scienter admitteretur: quod enim scienter fit, in seipso, & per seipsum voluntarium est; sed quod per ignorantiam etiam affectatam agitur, solum est voluntarium in causa, eo quod nolumus diligenter adhucere ad sciendum, quod nos facere oportet. Item quia dubitari non potest, quin adulterium scienter perpetratum, sit magis voluntarium, quam adulterium per ignorantiam affectatam admisum: nam primum adulterium directo, & per se est voluntarium, at secundum est voluntarium indirecto, & in causa sua, nemp̄ ob negligentiam de industria, & voluntate affectatam. Item primum adulterium tale est, ut quatenus scienter, sponte, & voluntate factum, non potuerit nō esse adulterium: at verò secundum, solum est adulterium temerarium, & periculofum: nam eo ipso quod Titius accessit ad foeminam, & nihil curauit, obseruavit, effrenè illa aliena vxor an sua, cum tamen dubitasset, in consideratè, & temere accessit, ac proinde adulteriu temerarium, & periculofum admisit: nā tale fuit, ut quamvis potuerit non esse ad alienam vxorem accessus, potuerit quoque

1. Timot. 1.

Galr.